



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1525. usque ad annum 1529

Fleury, Claude

August. Vind. [u.a.], 1769

VD18 90118480

De Libris Canonicis.

[urn:nbn:de:hbz:466:1-66472](#)

Sæcul. XVI. rancem Ecclesiam dixerit, non modo hæresim
A.C. 1528 dixisse, sed hæresum omnium puteus fuisse
judicetur.

De Auctoritate S. Conciliorum.

Tertium Decretum declarat: *Absur-
dum videri, si tanto studio Deus veteri
Synagogæ adfuit, ut si quid in lege difficile
vel ambiguum occurreret, quod citra contro-
versiam a judicibus absolvi non posset, desig-
nato tamen cætu non careret, cuius arbitrio
res tota finiretur, Ecclesiam tamen longe Sy-
nagoga potiorem ita necessariis destituat au-
xiliis, & prorsus non habeat, cui suborta
de fide quæstione tuto satis inniti possit. Pro-
inde cum certa sit, & infallibilis Ecclesiæ re-
gula, ea proœcto sacris generalibus Conci-
liis auctoritas derogari non potest, quæ pro-
xime universalem repræsentant Ecclesiam.
His igitur ea decernendi, quæ ad sincerita-
tem fidei, extirpationem hæresum, Ecclesiæ
reformationem, & morum integritatem per-
tinent, potestas adimi nequit. Sancta ita-
que & inviolabilis est Conciliorum universa-
lium auctoritas, cui quisquis pertinacius re-
fragatur, hostis fidei jure optimo censi debet.*

De Libris Canonicis.

In quarto Decreto ita statuitur: *Cum
non humana voluntate allata sit Prophe-
tia,*

lia, sed Spiritu sancto inspirati, locuti sunt Sæcul. XVI,
 sancti Dei homines, omnis Scriptura divini- A.C. 1528.
 tus inspirata utilis sit ad docendum, arguen-
 dum, ad corripiendum, & ad erudiendum.
 Ast nihil minus mutilum, & prorsus invali-
 dum esset argumentum ex Scripturis sum-
 ptum, si pro cuiusvis arbitrio, quod addu-
 dum fuerit, sacrum aut profanum, canoni-
 cum aut apocryphum habeatur. Obortis igit-
 tur de fide dissidiis frustra sc̄epe Scriptura
 consulitur, nisi Ecclesiæ certa & infallibilis
 litem dirimat auctoritas, quæ Canonicum li-
 brum ab apocrypho, Catholicum sensum ab
 heretico discernat. In enumerandis itaque
 Canonicæ Scripturæ libris, qui præscriptum
 Ecclesiæ usum & auctoritatem non sequitur,
 sacrum Carthaginense Concilium tertium,
 Innocentii, & Gelasii decreta, & denique
 definitum a S. Patribus librorum Catalogum
 respuit, aut in exponendis Scripturis
 proprii Spiritus judicium sequitur, is velut
 schismaticus ac hereticus reprimatur.

De Traditione.

Quintum Decretum concernit Tra-
 ditiones, earumque necessitatem,
 atque auctoritatem confirmat, eoquod
 S. Paulus eas non tantum traditiones jubet a Epist. 2. ad
 Thessalonicensibus observari, quas per Epi- Thess. c. 2. v.
 stolam, sed etiam quas per omnem sermonem ^{15.} didicissent. Neque prætermisso putandus est ^{1. Cor. c. 11.}
^{v. 34.} cetera,